



訂增

慶弘紀聞

三

伊 5

3996

3





3996  
3

十三朝紀聞卷之四

從六位下行兵庫寮史生兼和泉掾源朝臣照矩編次

男 正七位下長門掾源 賴矩 校

中御門天皇諱慶仁 東山帝第五子也母大興侍  
 諱賀子號 新崇賢門院內大臣攝籙藤原隆賀之  
 女寶永五年為皇太子至是受禪時年九歲二十  
 四日尊 東山帝曰太上天皇稱新院左大臣輔實  
 右大臣綱平內大臣通誠並如故 東山上皇宮成  
 世稱土御門宮初幕府再造東宮也增拓其地以擬  
 東山帝遜位之後所御宮而 上不復還東宮而

明治新刊 十三朝紀聞 卷之四

大見書院藏



嗣位故直為新院○七月二日新院自家熙第

徙居焉十二日新院朝靈元上皇大内成○

八月二十二日贈中納言源綱重征夷大將軍二十

七日又贈太政大臣正一位○白幽子歿年二百餘

歲不知何許人居京師白川山石室中常誦金剛經

蓋道士之流也駿河松隱寺僧某嘗過謁之授養生

之訣著一書曰夜船閑話傳于世或云石川凹亦學

之八分○十月二十五日以前左大臣基熙為太政

大臣○十一月十六日自近衛氏第徙御新宮時

有雙鶴盤飛于廷上頃之而北二十三日新院

入見帝二十八日靈元上皇入見帝詔大赦

天下○十二月基熙辭太政大臣十七日新院患

痘而崩年三十五稱東山院二十九日所生大典侍

掃筭氏薨年三十五○七年正月十日葬東山帝

于泉涌寺○三月二十一日稱嫡母中宮曰兼秋

門院二十六日追尊掃筭氏曰准后稱新崇賢門

院幕府奏鑄新銀款以二宝字謂之二宝字銀尋鑄

三宝字銀四月廢二銖金改鑄元字小銀復純質款

曰乾謂之乾字金重二錢五分與元字金並行至享

保三年廢之○六月勅修東福門院三十三年

月拾新例十三月記開卷日

其見書或反



民於貧

忌齋施米於貧民三條積散之○七月遣右中辨藤

源益光于下御靈行遷祠儀○八月十二日詔皇

弟直仁列宗室○九月幕府立東照公祠于東山吉

田○十一月七日遣治部大丞王康忠祭主大中臣

德忠小舍人齋部珍弘奉幣于大廟告嗣位十一

日行即位禮琉球王尚益使見里王子豐見城王

子來獻幕府○十二月江戸火二十三日遣兵庫頭

王兼躬大中臣德忠齋部珍弘奉幣于大廟告加

元服二十五日以攝政家熙為太政大臣是歲中務

大輔本多忠國卒無嗣幕府命本多忠良繼之徙于

川屋○正德元年正月朔帝元服太政大臣家熙

奉加冠左大臣輔實奉理髮遣使大谷寺修源空五

百年齋上皇亦賜御書額曰華頂山揭三門大谷

勅齋昉于此江戸火○二月勅祿皇弟直仁幕

府乃進千石邑大將軍使式部大輔榭原政祐等朝

賀即位四位五萬石以上諸大名亦使使奉賀二

十五日以權大納言左近衛大將藤原家久為內大

臣○三月一品兵部卿京極文仁親王薨年二十二

子家仁親王嗣○四月二十五日改元曰正德幕府

以豐後守阿部正喬為老中大坂火○五月幕府奏

月台新刊



改京都及諸國城市村落，揭示。○七月攝政家熙辭太政大臣。○八月幕府鑄新銀，謂之四宝字銀。○十一月初，朝鮮王李焞使趙大億等過京師，次本國寺。至是朝幕府，上書獻物，賀其繼世。幕府使筑後守新井源興應接之。大億嘆賞，興為入詠，曰：日出之邦源，大官骨清氣豪，身桓桓，胸中壯略，龍虎秘筆，下文章。星斗蟠幕府，賜宴於韓使也。例有散樂，於是始設雅樂，亦使者驚欣，厚謝之。興字君美，江戶人。幼歲錄其詩，萬首請評於韓客，辟易為序，褒之。及長，刻意經史，通曉和漢典故。大將軍在藩，微而寵用之。及繼征

白石通曉典故

夷職，從而入嘗請革荅韓禮，命掌其事。因前月拜官，爵其應對大億也。玄冠緋袍，按劍以爭禮文。大億為所折反，嘆賞焉。待之設雅樂，亦興所請云。享保十年，歿年六十九。著平氏記、藩翰譜、五事略、南嶋志。本朝軍器考、讀史餘論等百六十餘種。○有年。○十二月，江戸大火，二十三日，尊聖祖母准后曰：敬法門院是歲幕府奏徙松平忠喬于尼崎，青山幸侶于飯山，阿部正邦于福山，小笠原長信于懸川，永井直敬于巖槻。初二位卜部兼故再造吉田祠，幕府給銀二十貫錢助之。至是成。○二年正月，宇都宮災。○二月，江



戶大火○三月幕府置監于近江草津駿府品川三  
 驛以改定諸道脚馬錢房錢等○四月十四日新  
 上西門院崩年六十葬于泉涌寺○五月權大納言  
 藤原保春薨權大納言持明院基定之子是為高野  
 家祖其姪權中納言基顯為石野家祖○八月大覺  
 寺性應法親王薨年二十三上皇第九子也十八  
 日大雨風山城大水漂沒淀伏見笠置木津寺民舍  
 溺死千餘人尼崎武庫大水武庫世多誤謂之兵庫  
 蓋其山曰六甲亦同音而本郡名也世俗據某書云  
 兵庫相當武庫變字從而紊音攝政家熙罷二十八

日以左大臣輔實代之補藤氏長者聽內覽賜牛車  
 是歲幕府奏徙本多忠良于古河三浦明敬于刈屋  
 牧野成英于延岡加藤嘉矩于水口鳥居忠英于壬  
 生○十月正二位內大臣征夷大將軍薨年五十一  
 十一月三日贈太政大臣正一位賜謚曰文昭院公  
 殊好文學曾治甲斐聘源興等四儒日講讀經史二  
 十年及管天下增置侍講徵三宅組明室直清土肥  
 元成等故和漢群書靡所不涉獵公尤省政事嘗聞  
 大錢不便及聽政併諸新課罷之欲大減外船而在  
 職不久未就脫前世奢靡風云○十二月二十三日

月台所刊  
 其見書載反



以幕府嗣子鍋松為權大納言叙正二位文昭第三公子也時年四歲 上皇命名家繼親深宸翰賜之

職有章繼

○三年三月四日以權大納言源家繼為征夷大將軍遷內大臣遣權大納言藤原公全權大納言源重

條就江戶拜焉前太政大臣家熙左近衛大將藤原

師孝適江戶二十日中御門油小路火時西南風急

火及相國寺側 帝避之幸卜部兼敬吉田宅或傳

帝避火于吉田

敬法門院避于是宅 皇宮 上皇宮皆得全一

條久我德大寺花山院堀川伏原氏等第舍十七區

武館七區民屋千百間延燒○五月大將軍使下總

守松平忠雅等朝獻謝恩○七月二十五日 勅二

品聖護院法親王道兼詣大峰諸國道士五百餘人

從焉去冬陸奧荒濱相馬二村船稍八人漕米到江

戶為風所漂著清國海南地方困頓尤甚夷人懸遠

人無依為造五寸許木牌記曰蕃人打破船不得回

籍伏乞列位大爺相公施舍米飯以救殘生公侯萬

代令各帶之于腰轉勻而至廣東廣東商船歲湊長

崎因附之而還二人在清病死清人具棺殮之一人

舟中死投屍于海至是五人抵大坂陸奧守遣吏迎

之五人皆不識字不能語其詳只云初到夷人掘沙



拾虫又觀戲場衆不觀其技而願我輩異樣時時觀  
漢人相爭以足相踢云○八月十六日 上皇薙髮  
法諱曰素淨法皇幕府以大和守久世重之為老中  
○十二月二十二日江戶大火焚死二百餘人二十  
六日 帝始讀紀傳文章博士菅原總長侍讀○四  
年三月菅婢繪嶋以淫亂流于信濃○五月大將軍  
以文昭公遺志命改金銀諸幣復慶長純質○貝原  
篤信歿信字子誠筑前國守黑田氏臣幼而從兄樂  
軒讀書多成暗誦壯年遊洛講經知名初於陸象山  
王陽明之說皆有所取後讀學蘇通辨而一歸朱熹

益軒朱敬子如神

嘗云吾後朱子得窺其說何幸福如之吾敬之如神  
明信之如著龜著書百餘種其近思錄小學備考官  
姓地名辨文武訓家道訓樂訓養生訓女大學大和  
本草諸菜譜筑前續風土記等行于世州有宮崎安  
貞者與樂軒為友嘗著農業全書十卷樂軒為補正  
之民大蒙其利樂軒兄曰存齋亦好學樂軒有子好  
古儒雅類篤信為其嗣子篤信妻江崎氏名初有才  
德治經通史工國風及隸書○九月幕府以所司代  
松平信庸山城守戶田忠真為老中和泉守水野忠  
之為所司代○十二月琉球使來獻幕府○五年正



院開

月幕府以文昭公遺旨減省清及紅毛商船歲額清  
船三十艘紅船二艘為限遣大目付仙石久尚等于  
長崎申其令給船牌不奉令者皆被逐歸自是紅夷  
歲于銀三千貫錢銅百五十萬斤○二月拓皇弟直  
仁第地于中御門烏丸九三千坪 法皇以其女結  
子妻大將軍未東下尋以大將軍薨寡居京師享保  
十一年叙內親王寶曆八年薨○三月攝政輔實辭  
左大臣十二日以前右大臣實治代之幕士生嶋幽  
軒自慶其壽八十會府下老者志賀瑞翁小林勘齋  
左治宗見等七人瑞翁年百六十七勘齋百三十六

瑞翁  
百八十歲

不得  
追仇

宗見百七餘皆九十上下云瑞翁誕天文十八年沒  
享保中享年百八十○四月遣使日光修東照公一  
百年齋○七月大將軍使豐後守阿部正喬朝院  
及 闕拜尚吉子之命○八月實治辭左大臣十二  
日以右大臣綱平代之內大臣家久為右大臣權大  
納言藤原吉忠為內大臣○有年○十一月郡山臣  
遠城重廣光乘兄弟為其弟重次之讎生田經好所  
反殺經好亦郡山臣初重次與經好論劍術優劣遂  
以木刀相角擊仆之重次年十七經好長之數歲慙  
憤誘殺之二兄為繼母所督責不得已而追仇及于

月台新刊 二月九日 卷四



生魂祠前將鬪經好投佩刀于地紹之曰僕過殺令弟既而悼痛數欲自殺以謝於冥途未果今為二賢所復誠幸也然此處神境也敢請某日更會于崇禪寺埒被討蓋欲集無籍徒以援已也二兄不覺聽之數日赴約眾寡不敵竟見殺○十二月以前權大納言藤原宗顯准大臣叙從一位江戶火○享保元年正月江戶災○二月大將軍遣阿部正裔納幣于院尚皇妹故○閏月民部權大輔卜部兼亮卒兼亮神祇伯平磨呂遠裔初號猪熊後改藤井是為藤井家祖○四月准后前輪王公辨法親王薨于山科毘

沙門堂年四十八後西院第六皇子也正二位内大臣征夷大將軍薨年八歲○五月紀伊權中納言源吉宗繼幕府世納言源賴宣子大納言光貞李子也初任少將封于越前丹生寶永中以兄宰相賴職卒無嗣歸兼宗封常憲公賜偏諱進權中納言至是迎管天下十二日贈大將軍太政大臣正一位賜諡曰有章院天下大水○六月二十二日改元享保初元祿戊寅歲博多商人善三葬其妻于州聖福寺墻地之次得金銀造器法馬等物一甕讓之於寺置石佛誌其處至是以墓側竹茂生改祀移石佛穿土三

胡元器物



日本書紀卷之三十三 皇極經世一 卷之三十三

尺所又得一鑿比前稍大藏金銀器物如前得銀法  
馬八錢合重二貫百七十四錢其餘金鈴金虎銀刀  
鞘金銀鑄造物象諸具甚夥法馬面背各有鑿記三  
行正面曰經歷郭德潤曰行宣政院福建分院曰提  
調官副使側失監背面曰客商謝福曰花銀肆拾捌  
兩重曰辨驗銀匠彭禎蓋胡元遺器也○七月十三  
日以權中納言源吉宗為權大納言十八日任征夷  
大將軍遷內大臣兼右近衛大將賜兵仗牛車時年  
三十三遣右近衛大將藤原公全前大納言源重條  
就江戶拜為內大臣藤原吉忠權大納言藤原善春

職有德  
公經

適江戶○九月大將軍使讚岐守松平賴豐等朝獻  
謝恩一品太宰帥有栖川正仁親王薨無嗣十月十  
二日詔法皇第十四子職仁繼之○十一月朔  
以攝政輔實復辟關白十三日前攝政家熙女尚子  
入為女御大將軍使出羽守松平宣維等朝賀大婚  
○十二月幕府命甲斐守柳澤吉里獻其父吉保所  
撰常憲公實記焉○二年正月奈良興福寺災十三  
日江戶大火郭內諸邸皆延燒○八月十六日東國  
大風傷禾江戶官民邸舍多為之破○九月幕府奏  
以所司代水野忠之為老中伊賀守松平忠周為所

月廿九日 卷之三十三 皇極經世一 卷之三十三



司代○十一月先是建皇弟直仁中御門弟成名開院殿至是皇弟徙焉○十二月江戸火是歲幕府以書物奉行下田師古為和學方奏徙松平直之于絲魚川松平輝貞于高崎本多助芳于飯山奧平昌成于中津間部詮房于村上後三年徙内藤弋信于村上○三年正月二十三日以直仁為親王内大臣吉忠辭左近衛大將二十八日以權大納言兼香兼之尋補左馬寮御監初權大納言藤原為經輯刊其曾祖肅遺文和歌成於是以獻天皇法皇文集十二卷歌集五卷○四月參議菅原長時卒權大納言

五條為庸之子是為清岡家祖其弟權中納言長義為藤原家祖大將軍聞長崎人西川忠英善天文曆算徵之○七月大僧正三寶院高賢奉勅詣大峰賜天台座主公寬法親王中車大將軍命講經于營中自後每月行之三宅緝明歿明字用晦京師人幼同元正名耽儒學及長與正名偕之江戸教授自給數年正名還京師尋如大坂最知名緝明初師淺見安正後從貞幹才學通博能屬文源光國見其拜楠子墓文感賞召為文學正德初權幕府侍講致仕歿于京師年僅四十餘世惜之遺書有中興監言等○



十月大將軍營觀少將藤原雅香蹴鞠清船林達文奉幕命以馬裝二具來獻焉○十一月朔旦日南至

一品妙法院堯延法親王薨年四十三法皇第五子也琉球使來獻幕府○十二月以住吉祠人津守

國教叙從三位初常憲公大修諸陵然不審不少是歲大將軍遣人悉檢山陵所在圖寫之或修壘

石或作屏欄數年而畢大將軍聽政之暇好推步學於是造測午表置之于吹上○四年二月東山皇

女秋子內親王適伏見貞建親王○三月十三日遣使長講堂祭後白河帝其御真勅封故帝親

幕本  
山陵

開○六月以日吉祠人祝部行茂叙從三位○秋參議加賀守前田綱紀以稻宣義所著廢物類纂三百

六十卷獻幕府宣義字彭信號若水江戶人徙居京師尤精本草醫術兼通經史名馳遠邇又有采藥獨

斷○十月朝鮮使洪致中等來朝幕府質其繼世是夏清船林元錄不齎船牌而入懇長崎曰為同商林

宗若所掠故不奉却之至是林宗若奉其所掠而入乃奪之逐歸○十一月幕府命木下汝弼室直清土

肥元成荻生觀等日講經于府下高藏命諸吏聽之晦以權大納言藤原公全為內大臣罷○十二月朔

開經  
諸經  
之史



以吉忠再為內大臣十日以權大納言源豐忠為右

近衛大將○五年正月朔且皇子昭仁生二十日以

女御尚子准后是日薨號新中扣門院○二月十

日 兼秋門院患痘崩年四十一葬于泉涌寺大將

軍命高瀨忠教撰明律釋義忠教字喜撰紀伊人受

業於林信篤為幕府儒員清船伊乎九奉幕命以良

馬二頭來獻焉字九號革野又雁川吳興人周游清

國稱商人來僑博學屬文做元畫善山水或傳其法

刊之○三月二十七日江戶災東叡山大猷公廟延

燒是月陸奧白川民蜂起數萬人薄城愬曰賜郡奉

白川民蜂起

行杉浦德使我輩得職其身喰之初部主松平基知

極驕厚欽委政於諸奸臣自去歲冬部內益苦不聊

生遂相率請之聲震天地城中大驚慰喻使歸禁錮

德及土岐半○十月水戶近衛中將源宗堯奉教獻

大日本史二百五十卷于幕府○十一月四日以儲

君昭仁為親王○十二月以松尾祠人素相忠叙從

三位○六年二月遠流上鴨廟祝飛驒守賀茂連久

民部大輔賀茂常久右京大夫賀茂佐平備後守賀

茂郡久治部大輔賀茂致久等初廟祝與氏人數爭

事於是連久以下坐違 勅及之幕府命拔生雙松

月台所刊十三月記卷四

其見畫載反



但錄  
越錄  
度

訓點清六諭衍義雙松字茂卿號徂徠川越賓師奉  
明李攀龍王世貞之說自構一格經義風靡府下著  
論語徵學庸解學則等弟觀字叔達弟子服部元裔  
等有能文名各多著書松嗜絲竹技家寶藏西土佳  
琴一隻嘗一日僧興儔詣松乞假之松性豪邁自負  
文才睥睨一世乃遇儔無禮如弄稚子儔不以為意  
遂携琴而出既而松使人追之曰汝借此琴非欲摸  
造耶縱巧摸之襲皮相則莫能為也若摸造必須剖  
解以熟視裡面斧痕荅曰素欲剖解以察其工夫而  
得假取即我所有也破之何益琴主之許松聞報始

禁新  
採

驚儔襟度云興儔字心越故明杭州金華人善書畫  
達音律崇禎間落髮游方延寶中歸化住長崎福濟  
寺源光國徵為水戶祇園寺主聞關羽之浴令還俗  
不從退居江戶○三月江戶災○六月幕府廢伊豆  
下田奉行始置相摸浦賀奉行○七月大將軍獻經  
解六百二冊康熙字典四十卷經解宋元諸儒經書  
注箋而清人納蘭成德者所彙次也所司代松平忠  
周奉教齋入上進幕府令民間禁已端二節鑿人高  
踰八寸裝之以錦綺及孩童玩具用金銀○閏月幕  
府令禁變衣服器具糕餅等舊制作之新樣○八月



幕府始置

幕府始置。置於評定所、堂縁及京師大坂等市廳門前。上書者投之。天下大水。○九月二十七日。法皇始幸東山修學院及林丘寺觀紅葉。○十一月大將軍賜處士某白金賞其投書於評定所進直言。○七年正月輔實辭關白。十三日以左大臣綱平代之。補藤氏長者。聽內覽賜牛車。○二月幕府命室首清譯六諭衍義大意。刊之賜版于京師江戶書戶以散民間。○三月十三日。法皇幸修學院及曼殊院觀櫻。○花二十七日。法皇幸九條藤原輔實第。自寛永年間諸大名等及其老例獻遺物于幕府。幕府仍賜香

銀或五百枚或三百枚。至是停其獻。因賜銀舊式。十一為永準。○四月幕府修有章公七年齋。朝廷依近例將遣使賜萬部法會大將軍奏辭之。自修十部會爾後準之。○五月關白綱平辭左大臣。三日以右大臣家久為左大臣。內大臣吉忠為右大臣。權大納言兼香為內大臣。法皇賜大將軍本朝世記四十六冊。幕府以對馬守安藤信友為老中。○六月大將軍獻法皇禮義類典五百十五冊。領賜六諭衍義大意于諸塾師以為字帖教孩兒。○九月九日。法皇幸修學院。二十七日幸藤原輔實第。○十月大將

月台行刊  
月台行刊  
卷四  
一五  
見書藏版



軍獵于戶田聞醫某教村兒以歷世揭示賜白金十

枚加六諭衍義一帙令其諸近村馮之教子弟是歲

命府下諸郡各畜救火夫○八年大將軍得最上加

羅於清船以獻 天皇 法皇法皇名之曰隱家又

○二月朔進抄本人丸神級曰正一位抄本明

神以權大納言藤原隆賀為內大臣罷四日以權大

納言豐忠代之罷八日以兼香再為內大臣江戶火

○三月朔 法皇慶其皇姊元瑤大尼壽九十 院

大尼 九十 壽延

中開宴准尚齒會召大納言平時成正二位大中臣

景忠上北面松室仲親松室綱然醫師浦野道英岸

本惟明高倉玉泉伶官窪近純及大僧正有雅及院

婢大進十老惟明年百二十近純九十三餘九十以

下惟明侍宴間賦詩獻之曰御苑青松尾上遷靈苗

獻日遠差肩凌雲蒼色同皇壽相共千年又萬年近

純亦吹簾奏五常樂合歡鹽長慶子 法皇嘆賞二

壯賜時成景忠有雅墨松各一幀加富士綿賜仲親

以下墨松各一幀加白金一枚○四月六日 法皇

謁下鴨廟納御製十二月和歌遂幸修學院及林丘

寺幕府奏以淀左近將監松平兼邑為老中徙之于

佐倉佐倉稻葉正知于淀○九月七日 法皇幸修



學院及林丘寺途謁下鴨下御靈廟左近衛少將源  
 榮顯卒 宇多帝遠裔宜之之子是為大原家祖大  
 將軍命室直清撰五常名義以為字帖使公子習之  
 尋又撰五倫名義○十一月二十日西海地大震遺  
 動踰月○十二月江戸火是歲幕府命紅夷貢其國  
 馬○九年正月江戸火芝口門延燒文昭公建之於  
 是廢○三月八日以權大納言藤原幸教為左近衛  
 大將尋補左馬寮御監二十一日大坂大火民焚死  
 者多先是 法皇欲觀修學院杜鵑花命計幸事於  
 是傷大坂災罷之○七月二十一日以權大納言藤

禁婦  
衣靡

原冬熙兼右近衛大將後三月任右馬寮御監幕府  
 令民間禁作婦衣繡價踰銀三百錢同深價踰銀百  
 五十錢者○八月二十七日 法皇幸林丘寺及修  
 學院謁一乘菅神祠途 御幄命三位藤原實岑賦  
 詩稱 旨及夜還院○九月大將軍召山田正朝命  
 講經既畢親喻汝說詩亦能解頤聞汝多病也成器  
 培養自能愛護在營士舉驚眷遇異常時年十三於  
 是上踐其略曰臣聞嘉善而矜不能仁德之至也臣  
 幸夙被嘉善之寵是歲某月日特命有司試臣以讀  
 書賦詩問辨對策繼奉恩旨召見賜俸二百石不知



臣先世有何功德今日膺此闔門感恩瞻仰無已臣  
雖九死能答萬一哉臣伏惟大君殿下德超千古仁  
遍萬方勉士以勤率民以儉納草茅之讜議詢金石  
之遺文造人之念殊深勸學之心不怠今舉臣童子  
旌之海內則宏材偉器雲興星離乃至幼而英敏百  
倍於臣如甘羅孔融者歲貢月出有以標盛代文明  
之化矣臣生十三蒙昧誦劣固無足錄自八九歲猥  
嗜經史不好外戲專力於讀誦但未定師兼彼此就  
問而已不意一二年來謬以幼學所向稍異等輩叨  
蒙拔擢俾改父業別起門戶臣父亦以臣之故為人

正朝李賀  
之流勃

歎羨所謂揚名以顯父母者臣今賴殿下至德而一  
且致之嗚呼臣之大幸也正朝本姓菅原幕府醫員  
正芳之子生而警悟少能屬文辭通經傳百家之言  
又操清語嫻樂律時人呼為神童直清亦稱天下第  
一才子尋上京師從伊藤長胤學無幾以親病歸家  
爾後每通書牘質問疑義長胤視進修不怠許以李  
賀王勃之流云病痘歿年二十四有尚古堂文集麟  
嶼遺稿其子正珍亦好學以方技聞著傷寒論集成  
○十月七日 法皇謁下鴨廟遂幸修學院及林丘  
寺權右中辨菅原為範在從中應制詩曰楓葉飽霜



景色寒幸從風駕歷林巒行行錦繡供帷幕孰若春  
山花日看稱旨於林丘賜宴云前太政大臣近衛  
藤原基熙薨年七十五子家熙嗣○十一月初幕府  
徵馬醫書可用者於清船至是施翼亭者以元亭療  
馬集來獻焉○十二月幕府奏以松平忠周為老中  
河內守牧野英成為所司代明年忠周復上京師與  
英成共朝奏所司交代初郡山大名本多唐助兄  
弟卒無嗣邑除是歲幕府命柳澤吉里從治郡山甲  
府直隸江戶○十年二月江戶大火先是幕府數發  
金賑貸府下遭災者於是又發金賑之初幕府命清  
船李又賢真除馬經大全之外馬醫良方至是又賢  
以之來上○三月大將軍獵小金原○四月九日以  
大將軍長子家重為權大納言叙從二位遣權大納  
言藤原兼親前大納言源通躬就江戶拜之二十六  
日法皇謁下鴨廟遂幸修學院觀壽月觀杜鵑花  
既幸林丘寺還<sub>テ</sub>在壽月觀語群臣曰此莊一條永  
延中廷臣勝算者出家創之名修學寺安不動佛今  
雲母寺不動移之乎○五月大將軍使左衛門尉酒  
井忠寄因幡守大友某權大納言使前田伊豆守共  
朝謝恩○六月二十一日以一品孝子內親王為准



后稱禮成門院是日葬○七月先是清醫朱來章獻

朱戴墳樂書于幕府至是幕府命救生雙松拔之松

本隼人正水野忠恒在營中決心拔刀擊主水正毛

利師就目付戶田長田俱救不死幕府奏收忠恒封

祿其叔忠毅為旗本以繼之於是徙戶田光慈于松

本稻垣昭賢于鳥羽○九月十六日法皇幸修學

院途謁吉田祠觀昭高院院中語曰此地清和外

祖忠仁山莊趾而今前殿移聚樂第為之既游修學

隣雲軒及夜回蹕二十五日長崎地大震○十月

十八日法皇幸林丘寺謁後水尾御真遂幸修

學院初每幸制群臣上和歌於是親製七言絕句從

駕諸臣多奉和之是春老中忠周之來也林丘大尼

令傳其旨曰故院幸東山一歲數四今院只二

回請加一幸我亦賴得養老至是幕府以大尼旨又

上其費故有此幸自是後歲三幸大將軍奏改鑄大

鈔復慶長舊制一枚當七兩八銖○十一月十一日

以邦光為親王後一位前左大臣鷹司藤原兼熙薨

年六十七無嗣近衛家熙次子房熙繼之○十二月

二十一日以前太政大臣家熙准三宮居三日辭之

不許薙髮踰豫樂院于家久嗣是歲諸國竹華實而

忠仁  
公山  
莊遺  
趾

月台行刺  
三月己  
日  
三  
上見



理盡  
忠為  
至不  
真

括至十五年復生紅粟以洋馬五頭來貢幕府自是  
 至元文歲貢之○十一年二月二十九日越前勝山  
 大風雨辨慶嶽震裂冰水涌出田野成河人畜溺死  
 者多○三月佐賀災○四月二十六日 法皇幸修  
 學院途謁下鴨廟初 法皇命設射場于磧中於是  
 使從駕諸臣射而觀之○五月幕府賞淺草倉吏拓  
 植八郎遺僕理至忠賜淺草地二百五十八步元祿  
 中八郎歿時八郎母良薰年八十理深悼其獨而無  
 親族自賈于府下以致養遭火託薰于關宿相識更  
 為人僕送其葬錢養之薰不欲離在因負米為業人  
 勸之娶辭曰如不自不安老主終不娶敬事三十年  
 如一日大將軍嘉之曰雖賞千金猶表一時宜特除  
 其地永示若人出故賜之○六月朔關白綱平罷以  
 左大臣家久代之補藤氏長者聽內覺賜牛車○七  
 月清船愈收吉獻遼東參實百種採參記略一帙于  
 幕府○九月關白家久罷左大臣十五日以右大臣  
 吉忠遷之內大臣兼香為右大臣准大臣宗顯為內  
 大臣罷十八日以前權大納言源通躬代之罷二十  
 一日以權大納言幸敷為內大臣左大將如故○十  
 月一品中務卿伏見邦永親王薨子貞建親王嗣○

月一... 貞建親王嗣



十一月二十八日以皇叔職仁為親王明年三月任中務卿是歲詔典藥頭小森賴庸列堂上興丹波氏其家曰錦小路賴庸原姓劉氏後漢靈帝玄孫高貴王歸化於國朝高貴子志拏直居丹波賜坂上姓志拏直子孫康賴任鍼醫博士稱丹波宿禰天文中其二十世孫施藥院使盛直卒于相摸丹波氏遂不祀而其族小森氏世仕于朝小森賴季任宮內大輔因聽其子賴庸昇殿以繼盛直後云幕府命建部賢弘技曆算全書擬之訓譯賢弘幕府臣最精推步術時有京師銀江中根元圭亦精數學世謂中根流之祖也賢弘與之同校撰至十八年畢功○十二年三月土佐高智災二十四日儲君始讀書二位明經博士清原宣通侍讀初江戸之水道橋小石川小日向番町駿河臺諸市舍多草覆至是幕府以其易延燒禁之更瓦覆貸其費世傳是月安藝海上蓬萊山見○五月安藝瑞麥○六月游士小笠原貞任上書幕府請檢小笠原嶋聽之後五年大坂發船赴焉文祿中信濃深志城主小笠原貞賴奉江戸命檢海南獲此嶋名以其氏又呼無人嶋歲航海收其利寬永中停之至是貞任以其曾祖所有故請航焉○七月



東埔塞使來

月... 三章... 卷四

月四日以中納言藤原公福為權大納言叙正二位  
 東埔塞王六佛嬌華使倭雅世宇至長崎獻書及方  
 物乞復互市幕府給船牌却方物○八月儲君徙權  
 大納言藤原公詮第大將軍營東宮故或傳非造真  
 東宮修禁中小御所為假東宮○九月帝嘉大  
 將軍遺定家真蹟長歌短歌之訣於冷泉為久令女  
 房傳褒書于江戸○十月東山林丘寺元瑤大尼薨  
 年九十四後水尾皇女也初名光子叙內親王恬  
 靜好禪落髮曰元瑤能和歌畫大士踊照山又踊普  
 明院是為林立寺始祖○十二月十四日以權大納

言源惟通兼右近衛大將尋補右馬寮御監江戸大  
 火幕府虎門延燒幕府令天下禁神祀佛會之變舊  
 儀作新樣○十三年正月以權大納言藤原房熙補  
 左馬寮御監○二月江戸火幕府發金賑貸旗士遭  
 火者令市街皆畜救火夫伊呂波等字為之跡宇智  
 郡大澤村民堀地得古瓦豎七寸橫九寸厚一寸八  
 分有鑿記七行曰從五位上守右衛士督兼行中宮  
 亮下道朝臣真備葬亡妣揚貴氏之墓天平十一年  
 八月十二日記歲次己卯○四月大將軍謁日光廟  
 途遣人檢足利學校藏書○五月幕府以佐渡守大

月台新刊... 卷四

十三

其現書載反



久保常春為老中○六月東宮成儲君自菊亭公詮  
 第移焉十一日立為皇太子右大臣兼杏傳之二  
 十三日皇太子入觀大將軍使雅樂頭酒井親本  
 等朝賀二十六日追尊新中扣門院曰皇后西條  
 左京大夫松平賴安獻山井鼎七經孟子考文于幕  
 府幕府命荻生觀校之觀校次補其闕曰補遺鼎字  
 君彛受業雙松為西條藩文學或傳和歌山文學○  
 七月朔以權大納言藤原致李為內大臣尋賜隨身  
 兵仗辭大臣八日大風東國畿內大水二十七日以  
 權大納言冬熙為內大臣翌月賜隨身兵仗○九月

粟節婦

朔二三日江戸大水破而國新大二橋流昌平隆慶  
 等五橋漂沒民舍○十月二十三日皇太子朝  
 法皇二十六日以權大納言房熙為內大臣幕府奏  
 以讚岐守酒井忠音為老中徙田中太田資晴于館  
 林○十二月幕府賜甲斐田中村民白金以旌故節  
 婦栗栗幼孤依村長村長愛其才與資推嫁村人安  
 未幾安病勵而卧栗乃躬耕田以養舅夫而善事之  
 是歲七月大雨風川水暴溢夜中人相呼曰大水將  
 至疾避之時安體爛潰不可起乃謂栗曰我幸溺汝  
 速去汝不我醜養藥之勞扶助之勤銘心無忘今親



明倫彙編 家範典 卷一百一十五 婦人 五 婦人 五

老汝必請全生存家栗泣曰相親數年臨難委之妾不忍也言未畢門外啾啾且泣且號曰水音近矣後者死矣栗扶舅出門託之於人舅曰與夫婦俱去對曰大人出遲請先行妾與良人及焉油紙裹田券及衣附之入誓天曰與夫同死遂溺代官小宮山具狀告之立烈女碑○十四年三月十六日 法皇幸其皇孫家仁親王京極第○四月二十八日 天皇廷觀童象象自拜跪人皆異之 法皇院觀之去歲夏廣南鄭大威以童象二頭至長崎貢時其牝五歲死于長崎牝是年八歲三月發長崎是月抵京師舍淨

廣南國獻象

華院廣南象奴潭數潭綿二人牽而入明日發京師五月至江戶大將軍臨濱第觀之牡象青黑高五尺七寸長七尺四寸腹圍一丈餘頭長二尺七寸鼻長三尺二寸尾長齊之食竹葉饅頭等性緩而悅孩兒登山濟水皆速打鉤馭之鉤瘡半日自愈云廣南昔者曰安南其宗國曰東京並古交趾也○六月甘露降是歲久留米玄蕃頭有馬則維得伽羅木于州山中以獻幕府大將軍剪之以薦京師及日光時謂神代伽羅大將軍命紅毛騎師圭豆留操馬於濱第而觀之命譯人名村市馬紅毛馬醫書○十二月從一

久留米出伽羅

月台新刊 十一月記開 卷四 廿五 其親婁截版



普救類方

位前左大臣九條藤原輔實薨年六十一孫植基嗣前關白二條藤原綱平薙髮號敬信院子吉忠嗣○十五年正月初大將軍憐僻地不得醫療命醫員林良適丹羽正伯譯馬府庫所藏諸方緊要為一書曰普救類方刊之於是散民間○四月內大臣左近衛大將鸞司藤原房熙薨年二十一弟尚輔嗣後三年叙從五位上右近衛少將○六月幕府令諸藩復堵鈔二十日室町上立賣街火延燒花園石野綾小路氏館及民房三千七百九十間西陣市概罹此災燒機三萬餘架而窮困幕府給花園等三家金各二百

人穴

兩銀各三十枚又發穀二千五百石賑貸西陣民京商亦多運錢米器衣賑之○七月二十二日以權大納言源惟通為內大臣幕府以右京大夫松平輝貞伊豆守松平信祝為老中並河永若奉幕命補正關祖衡五畿內志因而上途欲搜富士人穴謀之麓人曰勿往自古傳其多怪若遭譴累如之何曰尋異區吾所奉也遂與鄉導數人至人穴擊炬入之行河百出而塞終不見怪異窟中惟有蝙蝠多飛耳初幕府命荻生觀校馬唐律疏義是歲命清儒沈燮菴閱之燮菴奉此書歸清國請刑部尚書勵延儀為之序至



元文奉還○十二月 天皇 法皇御麻疹愈三家  
以下大名與諸吏皆觀大將軍賀之自享保壬寅比  
歲登給穀價年低是夏幕府穀倉張紙金十九兩張  
紙所以標米四十石直也至是大將軍憐府士得祿  
直太少發金賑貸五百石以下是歲奏徒伯耆守本  
多正矩于田中○十六年正月大將軍使吉良左京  
大夫朝賀疹愈幕府開左近衛權中將源宗武第于  
江戸田安大將軍第二公子有才學能和歌後累進  
權中納言是為田安家祖○二月幕府令天下武門  
專行儉約復令旗士以下上番衣絹送禮減半禁壯

米斛 直銀 二十 六錢

居張宴○四月穀價益低京師米斛銀二十六錢天  
下百姓殷富江戸大火櫻田虎二郭門延燒○五月  
故中務卿邦永親王女嫁幕府世子○六月光宣歿  
年百十六宣字桐助號鳳梧出雲人學林信勝教授  
大坂○八月二十七日以天台座主公寬法親王准  
三宮○十一月十三日夜江戸甘露降○十七年二  
月入道前關白綱平薨年六十一○三月二十五日  
以第三皇子忠篤為親王二十八日第四皇子良視  
為親王○三月江戸災○四月大將軍於營中曲水  
設詩歌會○七月幕府以豐後守黑田直邦為老中



○八月六日 法皇崩年七十九稱靈元院二十九

日葬于泉涌寺初左近衛中將藤原為香奉 法皇

遺詔於是奏之晦日 敬法門院薨年七十五○九

大蝗

月自夏西南諸道大蝗而海山陰山陽尤甚大飢於

是幕府移關東粟粟貸而國諸藩以賑其民○冬斛

米銀二百錢宗像郡武丸村民正助事親至孝其敬

至孝感矣

長上恤孤獨亦非人之所及是蝗災也而海則無田

不被而正助畔內不見一蝗熟如平年人驚嘆以為

孝感所致正初至貧一夜有盜入竊米一苞正寤不

敢呼而蹤之村人也明日正借人一苞負至盜家小

音諭曰子以窮昨夜取我米吾寧與之然夫米極擇

備租請與此苞相換盜大詈曰不取正諭以求歇大

聲弗聽隣人趨來搜出竊苞盜拘于村亦正懇請釋

之寶永中黑田氏郡吏感嘆正孝行授田一段七畝

始業農既而黑田繼高屢賞賚之己酉春永免三段

八畝租○十八年正月二十五日以關白家久為太

政大臣○二月朔 皇太子加元服太政大臣家久

為賓東宮大夫藤原實憲贊冠西國大疫狗多病死

山陰山陽不遺一頭幕府令書戶刊發時疫妙藥集

西南諸道益飢餓死者十六萬九千九百餘人於是



清南 沈南 嶺

幕府又大發每男日給米二合女一合以濟億萬飢者先是琉球始貢甘薯於薩摩藩長崎亦獲之於外船各藝焉是款也其民賴免死者多至是上國亦識其良菜始傳種○雙松弟子太宰純以其所校定古文孝經孔氏傳獻于幕府○六月天下大疫至于八月○九月忠篤親王為聖護院門跡更名忠譽先是清儒朱佩章沈燮菴騎射師陳采若沈大成醫人陸文齋吳載南朱子章朱來章趙淞陽周岐來馬醫劉經光畫工沈南嶺並應幕府之徵來僑至是皆還清國南嶺名銓字衡齋吳興人寓長崎三年善畫花鳥悅時日譯人神代繡江師之善花禽其子繡山亦有畫名繡江始學銓馬蘭一葉授之繡江經一兩日畫之示銓舍而不顧人告繡江曰子欲得先生法學一葉三十日許而示之繡江若其言銓喜悉傳其法云○十一月左大臣吉忠女舍子為東宮妃稱御息所芳野吉水院僧充長獻新葉集于幕府○十二月十三日修東山帝二十五年忌齋行法華八講于清涼殿一乘尊昭法親王主之延曆三井東大興福諸僧徒被召詣焉十七日赦天下○十一月關白家久辭太政大臣○十九年四月十日遣藏人藤原勝



勅義類典

鳩巢

亂于多武峰行遷祠儀大將軍奉勅獻禮義類典五百十三卷帝嘉光國以來世竭力輯之令傳奏藤原兼賴藤原公福傳褒詔于江戶○五月初壬子癸丑兩歲西國及畿内飢也關西富民多賑恤之或錄其名行曰仁風一覽上木至是成大將軍嘉之以納京師及日光○六月幕府以丹後守土岐賴稔為所司代中務大輔本多忠良為老中○室直清歿清字師禮號鳩巢武藏人幼而仕加賀藩命講大學驚其明辨令入京師游貞幹門門下俊士皆讓席遂為新井璵所薦侍講于文昭公大將軍所著有論語廣

義左傳辨疑駿臺雜話等歿年七十餘○十月權中納言藤原師香卒壬生基起之子是為石山家祖○二十年三月二十一日上讓位於皇太子在位二十五年改元者二曰正德享保元文二年四月崩年三十七皇太子立是為櫻町天皇櫻町天皇諱昭仁中御門帝第一子也母贈皇后諱尚子號新中和門院准三宮藤原家熙之女享保十三年為皇太子至是受禪時年十六二十三日尊中御門帝曰太上天皇二十七日太上天皇徙居仙洞宮關白家久左大臣吉忠右大臣兼杏内



月... 三章... 其新... 其新... 其新...

江戶養生所

大臣惟通並如故○閏三月大將軍使織田對馬守朝賀受禪○六月二日帝始讀紀傳文章博士菅原在廉侍讀幕府於小石川藥園施與醫藥於窮病者號曰養生所○八月仁和寺慈仁法親王薨年十三贈一品王本名良視上皇之子也○九月畿内西海山陰山陽狗多病死時謂犬疫病江戶火○十月二十六日遣兵庫頭王賢兼祭主大中臣和忠小舍人齋部矩弘奉幣于大廟告嗣位○十一月三日行即位禮大將軍使掃部頭并伊直定等朝賀四位五萬石以上諸大名亦使使奉賀○細井知慎歿慎遠江人其先室町氏臣食廣澤邑慎因以為號善行書學文徵明法於北嶋三立極其奧初仕桺澤吉保後為幕府筆吏嘗堯延法親王適江戶偶見慎書大奇之傳書焚香聽兩四字以為滂獻之靈元上皇上皇欣賞遂有內旨書惟南獻壽四字稱旨令參議菅原長義認褒詔中有字樣奇勝獻賞不淺之語慎感戴自號奇勝堂云著篆體異同歌字林長歌碑字考證觀鶯百譚等○元文元年正月二十三日以權大納言藤原常雅為內大臣○四月二十八日改元曰元文○五月幕府奏改鑄小銀四銖

奇勝堂

十八日改元曰元文○五月幕府奏改鑄小銀四銖

明治新刊... 卷四... 其見...



其新校書

錠銀碎銀諸幣款以偏蹄日文換舊金百兩新金百  
六十五兩舊銀十貫錢新銀十五貫錢以悉更之○

荷田春滿沒滿字東麻呂稻荷祠人羽倉攝津守子  
博覽長詞學倡萬葉古風卒年六十八姪在滿在滿

東涯

子御風各善和歌○伊藤長胤歿胤字源藏蹄東涯

博覽談通能研乃父學善文工書旁好和歌從學甚  
多著古學指要周易卦變考周易經翼通解辨疑錄

盡簪錄閑居筆錄名物六帖秉燭談等又有紹述文  
集二十卷後弘化中幕府祿其裔孫使家學永存○

八月家久辭關白二十七日以左大臣吉忠代之補

藤氏長者賜隨身兵仗牛車家久內覽如故○十月  
入道准三宮近衛藤原家熙薨年七十先是清圖書

集成始來至是幕府以其多錯缺却還更徵全本至  
寶曆中乃貢全册一萬卷○十一月十五日大婚御

息所舍子為女御大將軍使大和守松平朝矩等朝  
賀十萬石以上諸大名亦使使奉賀先是大將軍命

技馬類聚國史至是畢功凡五十七册命焚其諸似  
本及林氏所上考異○二年二月幕府奏鑄新錢于

城南鳥羽○三月京師大風破屋○四月十一日  
上皇暴崩年三十七稱中御門院○五月江戶災公

其見妻或反



寬法親王東叡山第延燒八日葬中御門帝于泉  
 涌寺是夏東海疫行狗狼狐狸亦多病死人及牛馬  
 為之噬則皆死諸方無驗有一醫用土茨川芎甘州  
 三味愈之○六月二十九日以權大納言藤原宗熙  
 為內大臣○八月關白左大臣二條藤原吉忠薨年  
 四十九子宗熙嗣十六日以前太政大臣近衛藤原  
 家久准三宮薨年五十一子內前嗣二十九日以右  
 大臣兼香為關白補藤氏長者賜隨身兵仗牛車○  
 九月二十三日勅修北斗法于東寺僧正阿闍梨  
 隆幸主之至二十九日畢○十一月七日以兼香進

左大臣關白如故○安積覺歿覺字子先家世水戶  
 臣幼師之瑜能為明語及長善文典尚謙等齊名性  
 謙退不伐每遇弟子如見賓客曰吾安足以為人師  
 至老氣力不衰年過七十撰烈祖成蹟二十卷又著  
 湖亭涉筆傳于世尚謙字利涉攝津人受業松永昌  
 易為水戶藩所召為人多能精通釋典嘗著護法資  
 治論十卷言儒與佛並存不相悖覺不可之痛誠曰  
 速附回祿不從然相善如故云○三年正月二十四  
 日以內大臣宗熙為右大臣權大納言藤原道香為  
 內大臣○三月遣前大納言藤原光榮于江戶宣舉



大嘗之旨一品准三宮輪王寺公寬法親王薨年四  
 十二 東山第三皇子也○四月權大納言藤原光  
 顯薨權大納言日野弘資之子是為外山家祖○六  
 月從二位右大臣二條藤原宗熙薨年二十一無嗣  
 九條幸教子宗基繼之○八月八日以前內大臣致  
 季為右大臣十三日賜隨身兵仗罷十六日以前內  
 大臣通躬為右大臣罷十九日以前內大臣道香代之  
 前內大臣常雅復為內大臣○九月以前權大納言  
 藤原實陰准大臣陞從一位無幾薨年七十八實陰  
 善和歌有盛名於世 靈元帝評之曰有逍遙院遺

帝題實陰圖

風及薨 上親題其畫像曰玃幾支摩濃眉智耳淩  
 瑪耶吐陀農美珥訖比等能鳴志邊波堆麻毛和鄒  
 麗寧○十一月十一日遣使至阿波守光技右衛門  
 尉齋部矩弘奉幣于大廟告修大嘗又遣權中納  
 言藤原榮親左兵衛佐光香于賀茂權大納言源長  
 忠圖書頭尚秀于石清水並奉幣告之十九日大嘗  
 取祭禾於近江丹波行之仍禁浮屠凶服入九門及  
 都下法鐘法會明日大赦○四年正月初名護屋權  
 中納言源宗春窮驕荒于游戲幕府密教戒之不悛  
 至是大將軍奏罷之命其從弟少將宗勝嗣世任參



子孝

議中將○二月三日以權大納言藤原植基為內大臣○三月先是大坂橋街船戶太良洋中竊鸞其所漕米數百石來歸詐遭颶投之于海事覺處斬及徇其義子長太實子初五女德女壹女政相俱詣市廳請斬已五人以贖父罪城代太田資晴感歎告江戶大將軍嘉其孝行為由大嘗大赦減太良死罪至是遠逐之令長太等五人歸家○五月十九日聽右大臣道香內覽○七月十六日大坂大雷民震死者多○十二月知恩院尊胤法親王薨年二十五靈元第十四皇子也是歲幕府始鑄鐵錢文曰寬永通寶

嘗復新

○五年二月十日遣參議近衛中將源重熙兵庫頭王賢兼祭主大中臣和忠等奉幣于大廟告復新嘗○三月天使前大納言藤原為久前大納言藤原賴胤在江戶大將軍為立亭于木母寺境供麒麟大竹等美船以特饗之○五月勅起竹臺于便殿西庭以設歌會二十七日以從三位女御舍子為准后○六月東埔塞商船至長崎獻蜻蛚于幕府令人學養之○七月十六日京師大水破三條橋○八月三日皇女智子生○九月幕府遣青木敦書于甲斐信濃訪索古記○十一月二十四日新嘗仍禁僧尼

東埔塞蜻蛚



入九門及都下法鐘二十五日豐明節會新嘗慶者二百八十年于以自是後每年行幕府開左近衛權中將宗尹第于江戸一橋大將軍第四子也後進參議是為一橋家祖○辛酉寬保元年正月幕士木村高敦撰武德編年集成○二月二十七日改元寬保二十九日皇子退仁生○三月十三日遣前大納言源重孝于長講堂修後白河帝五百五十年忌齋○四月幕府令青木敦書巡行武藏訪求古記○六月二十一日遣兵庫頭王賢兼祭主大中臣和忠小舍入齋部矩弘奉幣于大廟告改元○七月淀

大水破大小二橋十九日松前海大溢民死者多○八月七日以大將軍為右大臣其世子權大納言家重兼右近衛大將補右馬寮御監十二日世子長男家治為權大納言叙從二位遣前大納言為父前大納言賴胤就江戸拜之九月大將軍使少將肥後守松平容貞右大將使左衛門尉酒井忠溫等朝謝○十一月京師火是歲幕府奏徙高田久松定賢于白川柳原政一于高田○二年正月十五日夜石清水喬樟自燒○四月石清水除厄神堂災幕府令天下禁瘞錢世俗附喪以草鞋錢謂之六道錢至是停之



銀 枚 十 錢

遣青木敦書于加奈澤相摸伊豆參河遠江訪索遺書古記敦書嘗募衆之次獲古貨數品中有源賴朝時金銀形圓而堅長如今小銀重六分八釐但其作桐章及壹兩字鑿之背面以見正面又有室町氏時銀銀謂花降小判菊小判等亦形如今小銀亦正圓也重自一錢餘至四錢餘各款曰壹兩其花降作櫻花圖菊銀或作菊章或作菊花圖有一種花降形方而堅長重四十三錢款曰十兩後文政中有石清水洞人家出古銀銀三兩各重四錢三分形如今小銀而置十二瓣菊章款曰壹兩亦足利氏時幣云敦書

洋學 源始

字文藏武藏人學伊藤長胤元文中辟寺社奉行屬吏屢奉教到諸國佛寺民家搜索古籍移文等後進書物奉行嘗以凡有罪流之海嶋要在使終天年然諸嶋乏穀動多餓死蕃薯也能味亞穀寔能廣之凶年亦免死上請徵其種子於薩摩刊已貯著蕃薯考併之頒諸嶋及東海民被其利彌甘薯先生新井與闡紅毛學而未嘗行於世敦書欲倡之嘗如長崎從譯人習洋字質蘭藉力弘之於世近日蘭學浸備始有種痘亦遺澤云著經濟纂要國家食貨略國家金銀錢譜郡名考長崎聞書和蘭文字略考和蘭話譯



等○六月幕府以所司代土岐賴稔為老中、徙之沼田、備後守牧野貞通為所司代○八月自二十七日  
 至朔、畿内大雨、風京城内外大水、破三條橋、東海東  
 山北陸諸道大水、幕府赤坂門下成河、本所深川、傍  
 村及市舍漂壞、民多溺死、信濃善光寺前水深二丈  
 餘、上野下野武藏常陸損稼禾八十萬斛、北陸等亦  
 多損毛、是水也、武藏入間民家概湮沒、相摸久下戶  
 村豪農、菽生正卿漕食施予、被水者仍載疲者數百  
 人、而還請父曰、大人平生誨兒、以勉儉節、用豈備今  
 日哉、願傾世積賑濟之、父許於是大發、飢民爭臻門  
 前、成市為粥食之、每人予米四升、倉空馳人于四方、  
 買米及大豆蕎麥、金盡又請父質田于江戸市、以繼  
 之、自十月至明年四月、所活日六百、人惠及四十八  
 村、幕府賞賜錢帛、旌門、問正卿少、往江戸受經於成  
 鳴鳳卿、歸教授鄉里、遂有此善行、天明末歿、年八十  
 遺言、我死置孟子于几上、以卒哭、必勿佞事其子孫  
 亦富有云○十月幕府修理東海為秋水、所壞諸處  
 命細川伊達藤堂阿部仙石間部稻葉等十族助役  
 ○三年正月幕府減紅毛貿易歲額之半、出銀五百  
 五十貫錢銅五十萬斤為限○二月内大臣右近衛

正卿 兼

月 廿八日



大將九條藤原植基薨年十九無嗣 勅其叔父權

僧正随心院亮嚴還俗繼之於是更名尚實○閏四

月幕府令民間禁銀簪擗○五月十二日以權大納

言鷹司藤原基輝為內大臣居數日薨年十七無嗣

○六月二十九日以權大納言藤原內前為內大臣

兼右近衛大將○九月四日以直仁王子典仁職仁

王子音仁為親王○十月閏院直仁親王季子輔平

為關白兼香假子繼鷹司氏二十五日以伏見邦忠

為親王○十一月更植南庭橋樹新橋內大臣內前

所上也十一日彗星見西方踰年乃不見時謂上元

星又稻星○甲子延享元年二月二十一日改元延

享戶隱山屬院三寺掘地得古大鉢八枚以獻幕

府仍賜其直金古鉢文曰辨定判形方而豎長八枚

合重二百四十五錢○五月二十二日遣兵庫頭王

賢兼祭主大中臣和忠小舍人齋部矩弘奉幣于

大廟告改元賀茂石清水春日平野松尾稻荷六廟

亦使使奉幣告之所謂七社奉幣也○九月二十五

日遣左近衛中將藤原雅重奉幣于宇佐朝告改元

是禮久廢至是修之二十六日以典仁親王為太宰

帥叙三品幕府以雅樂頭酒井忠知為老中命清船

復字  
佐之  
奉幣

明治新史 十三朝紀聞 卷四 廿八 其親授藩札



勸平 學

始執 甘蔗

貢冊府元龜續文獻通考圖書編古編函史編說文  
 長箋品字箋百川學海玉海九書石田興長歿長字  
 勸平號梅巖丹波人居京師其學宗朱熹專說心之  
 為太虛著都鄙問荅齊家論歿年六十弟子手嶋信  
 號堵庵京師人著玉筵吾杖○十月大將軍求執甘  
 蔗造糖蜜之術 本朝不產甘蔗自古仰糖蜜於外  
 為損寶貨最夥此間幕府徵甘蔗苗於外船始獲之  
 故有是命幕府置簡天儀于神田大將軍所自製也  
 ○十二月 中御門皇女成子內親王適閑院典仁  
 親王是歲幕府奏徙石川總慶于伊勢龜山板倉勝

讀書 不出 門 餘年

澄于松山○二年二月朔以京極公仁為親王關白  
 兼香辭左大臣二十九日以前右大臣致李為左大  
 臣○三月幕府祭楓山東照公廟修法華八講梶井  
 叡仁法親王東下同公遵法親王主之左大臣致李  
 罷二十三日以右大臣道香代之前內大臣冬熙為  
 右大臣江戸大火宇野島歿島字士新京師角倉家  
 吏子白幼耽學共其弟鑿力讀書不出門十餘年奉  
 李王之說修古文辭嘗聞肥前禪侶元皓大潮善屬  
 文就正其文遂以能文擅名於世著論語考痛糾雙  
 松繆誤鑿字士朗經學充實不減島島弟子武田欽

見...



傳信  
公繼  
職

繇字士明美濃人初師長胤胤歿後學焉亦善文為  
 妙法院親王侍讀○五月冬熙辭右大臣十六日以  
 前內大臣惟通代之公遵法親王自日光入朝任天  
 台座主賜牛車○六月宇治河溢破御茶庫○九月  
 朔德川源右大臣上書辭征夷大將軍正二位權大  
 納言西三條藤原公福薨年四十九子實稱嗣公遵  
 法親王辭天台座主東歸以青蓮院尊祐法親王再  
 任之○十月七日以權大納言源家重為征夷大將  
 軍遷內大臣補源氏長者叙正二位賜隨身兵仗牛  
 車右大將馬寮御監如故遣權大納言源通兄前大  
 納言藤原賴胤就江戶拜之時年三十五准后遣從  
 五位平範昌賀之左大臣道香右近衛大將宗基適  
 江戶○十一月四日遣權中納言藤原兼胤參議源  
 重熙于石清水行遷宮儀參議藤原重季卒儀同三  
 司武者小路實陰之子是為高松家祖幕府以相摸  
 守堀田正亮為老中○十二月大將軍使讚岐守松  
 平賴恭等朝獻謝陞職之恩○閏月右大臣源惟通  
 罷二十四日以內大臣內前代之權大納言藤原宗  
 基為內大臣賜直仁親王尊祐法親王牛車○三年  
 二月二十八日以關白兼香為太政大臣江戶大火



○三月十六日以儲君遐仁為親王○五月大將軍  
 營觀權中納言藤原宗城蹴鞠奏以隱岐守西尾忠  
 直為老中加之封○十月二品興福寺別當一乘院  
 尊賞法親王薨年四十八 靈元第十一皇子也幕  
 府以伯耆守本多正珍為老中○十一月大將軍修  
 櫻町宮大坂災○十二月太政大臣兼香辭關白  
 內覽十五日以左大臣道香為關白賜隨身兵仗牛  
 車二十六日賜兼香內舍人隨身是歲幕府奏徙堀  
 田正亮于佐倉越智武元于館林太田資俊于懸川  
 ○四年二月江戸火○三月十五日儲君親王加元

大隕

服十六日立為皇太子內大臣宗基傳之○四月  
 朔大隕霜殺新葉大將軍使隱岐守松平定功等朝  
 賀立太子十六日江戸外城災仁和寺遵仁法親王  
 薨年十一贈一品 中御門第五皇子也○五月朔  
 詔關白道香攝政補藤氏長者二日 帝徙仙洞  
 院讓位於皇太子初 上有故震怒欲脫履乃  
 勅修櫻町宮至是遂居焉在位十三年改元者三日  
 元文寬保延享寬延三年四月崩年三十一 帝性  
 聰敏恭謹殊敬 宗祖新嘗 後花園寬正已來無  
 修 帝始行之又復守佐糧日之奉幣初 東山舉



皇清... 卷之四... 四十一... 其辭...

大嘗 中御門不修 帝復行之自是世世無闕

東山大祀即日累行豐明等諸節其儀猶未備亦

帝卯辰巳午日別行之悉復舊式 帝嘗欲見神祇

狛源雅富神祇大副卜部兼雄之量召問曰水火二

淨孰愈雅富對曰水火者陰陽神體故各至淨而無

有優劣矣兼雄對曰水之為淨愈火一等 上問何

以識之曰火有淨穢之忌至水無然此其淨所以愈

也 皇太子立是為 桃園天皇

十三朝紀聞卷之四終

十三朝紀聞卷之五

後位下行兵庫寮史生兼和泉掾源朝臣照矩編次

正七位下長門掾源 賴矩 校

桃園天皇諱遐仁 櫻町帝第一子也母四位典侍

諱定子孫 開明門院權大納言姊小路藤原實武

之女是歲三月為 皇太子至是受禪時年七歲七

日尊 櫻町帝曰太上天皇九日 太上天皇入見

帝二十七日尊嫡母准后曰 皇太后善香太政大

臣道香左大臣內前右大臣宗熙內大臣並如故○

菅野彥歿彥字直養江戶人學山崎嘉門人三宅重

明新刊... 卷之五... 其見...



固或曰師佐藤直方講明程朱之學五十年幕府嘗賞賜學地立會輔堂于本所○八月朔大將軍使人牽御馬西上命所司代牧野貞通等入獻之八朔節獻御馬自古恒例也故記中略焉幕士板倉修理殺肥後侍從細川宗孝于營中有故欲殺同族某誤見宗孝服九曜章以為九鼓章所背殺之幕府賜修理死收其邑二十二日遣兵庫頭王賢兼祭主大中臣和忠小舍人齋部矩弘奉幣于大廟告嗣位○九月二十一日行即位禮大將軍使和泉守藤堂高豐等朝賀四位五萬石以上諸大名亦各使使奉賀

賜朝鮮屏画

幕府以右近將監越智武元為老中○十月朔遣權大納言藤原榮親奉幣于石清水廟初丹羽正伯奉前大將軍命撰續廢物類纂補指宣義其正編至是成績編六百三十卷補編五十卷是歲幕府奏徙備後守內藤政樹于延岡河內守井上利容于磐城平○寬延元年三月七日以前大納言藤原光宗為內大臣罷九日以宗基復為內大臣○四月八日帝始讀書○五月朝鮮三使洪啓禧南泰耆曾命宗以下三百餘人過京師次本國寺既東朝幕府賀其繼世六月賜物遣歸賜中有畫屏二十雙作人丸赤人



忠相  
名大

景清引鍾宗高射扇義光奪旗平城八景清水石山  
松島三景邦俗稼穡採茶花鳥等諸圖○七月十二  
日改元曰寬延○十一月三日遣兵庫頭王賢兼神  
祇少副大中臣長矩小舍人齋部矩弘奉幣于大  
廟告修大嘗十七日大嘗○十二月琉球使來獻幕  
府攝政道香羅左大臣二十七日以前右大臣冬熙  
為左大臣是歲幕府奏以旗士越前守大岡忠相為  
西大平大名徙篠山松平信岑于龜山龜山青山忠  
朝于篠山○二年二月冬熙辭左大臣八日以前右大  
臣內前代之二十三日以前內大臣常雅為右大臣

以下鴨願祝鴨縣主秀隆叙正三位○三月彈正尹  
直仁親王女倫子嫁幕府世子權大納言○七月十  
三日以公遵法親王准三宮丹後但馬姫路大水多  
溺人畜○八月以堯恭法親王為天名座主東本願  
寺第災○九月幕府以左衛門尉酒井忠寄為老中  
二十四日有火光大如鞠東北飛賜貞建親王邦忠  
親王隨身兵仗聽邦忠帶劍○十月幕府以豐後守  
松平資訓為所司代○十一月常雅辭右大臣十五  
日以前大臣宗基代之權大納言藤原經秀為內大  
臣○十二月罷二十四日以權大納言右近衛大將

月台新刊 十三月 巳月 卷之五 三 其見書或反



日本書紀卷之三十一 三草承尾 三

藤原實顯代之是歲幕府奏徙酒井忠恭于姫路松  
平明矩于厩橋松平忠祇于宇都宮户田忠辰于島  
原松平信復于吉田本多忠英于相良○三年正月  
九日以權大納言源通兄兼右近衛大將○三月二  
十八日以皇姊智子為內親王○四月二十三日  
上皇崩年三十一換櫻町院是日江戸大雨雹人馬  
傷者多陸奥日光路尤甚大如拳大將軍使畠山民  
部大輔入弔○五月十八日葬櫻町帝于泉涌寺  
幕使及諸藩使詣泉涌寺供香銀蓋比例也○六月  
二十六日上稱皇太后曰青綺門院○八月十日

雷震  
二條  
城閣

越後  
地大  
震

以權大納言通兄為內大臣二十六日夜京師大雷  
雨風電霆如白晝震二條天主閣災○九月京師諸  
山野白櫻紅梅悉華風光如春諸草木亦華○十一  
月內大臣通兄辭右近衛大將是日賜隨身兵仗○  
十二月辭內大臣二十一日以權大納言左近衛大  
將藤原尚實代之○寶曆元年二月京師地震○四  
月二十七日帝始讀紀傳大內記菅原家長侍讀  
二十五日夜越後高田地大震廬舍盡壞山崩湧水  
墜死者一萬六千三百餘人○五月賜攝政道香內  
舍人二名為隨身○六月正二位右大臣前大將軍

月台所刊  
三  
日  
正  
見  
書  
載  
反



慶年六十八閏月十日贈太政大臣正一位賜諡曰  
 有德院公性仁明豁達躬勤儉率天下坐待且省政  
 事嘗云天子且七廟也我廟安踰其數東嶽山大  
 猷公廟災也故不復修之合祀于嚴有公廟公自幼  
 好學明曆象通和漢律令其在職憲後吏怒刑獄撫  
 人<sup>享寬</sup>民命大岡忠相石河政武等錄享保寬保之間斟  
 酌古今律所以行者定為九十條頒之○七月一條  
 藤原兼香辭太政大臣二十九日准三宮賜隨身兵  
 仗八月慶年六十子道香嗣○十月二十七日改元  
 寶曆山科勸修寺文學良野芸之獲僧齋然遺本鄭

律

注孝經于東大寺刊之漢代鄭玄註本於是始顯于  
 世○十二月以春日祠人中臣延庸叙正三位清寧  
 波高船送南部舟人六口至長崎歸之去歲冬此儕  
 八人遭風漂著福建二人死焉奉行賜船主米七十  
 苞餘各二十苞○二年正月十日以右大臣宗基叙  
 從一位○四月幕府以讚岐守酒井忠用為所司代  
 ○五月老中越智武元與之共朝奏其交代秋元維  
 寧歿寧參河人尾張竹腰氏儒臣立學舍于江戶曰  
 叢桂社弟子甚多○十二月琉球使來獻幕府○三  
 年六月一品彈正尹閑院直仁親王薨年五十子典



仁親王嗣○十一月冬至日陰陽頭安倍泰邦奉  
 勅測景于梅小路天文臺上幕府天文方澁川圖書  
 西川忠次郎來陪焉○十二月賜公仁親王隨身兵  
 仗○四年正月右大臣二條藤原宗基薨年二十八  
 子重良嗣幕府澹木曾川命薩摩守嶋津重年取役  
 ○二月十九日以前內大臣實顯為右大臣賜隨身  
 兵仗○五月罷十四日以前內大臣通兄為右大臣  
 賜隨身兵仗○七月以兵部卿伏見貞建親王叙一  
 品賜牛車薨子邦忠親王嗣清船送歸陸奧相馬舟  
 人六口前此二歲為風所漂去歲春著臺灣傍一島

孝子  
平三

史漂抵廣東惠州至是得回○八月幕府賜宇陀郡  
 拾生村孝子平三白金平三事親竭力自幼莫違命  
 其妻亦善事舅姑父甚好中元踏平三乃每中元請  
 村衆踏歌于門前夫妻與俱踏以供二親之樂亡母  
 畜一嫗使侍父曰勿違翁命吾亦視如姓氏嫗能事  
 之喪刻木為二親小像遠行必奉之樂歲亦奉出觀  
 田暑則扇二像供蚊帳日告家事無異於在美濃郡  
 上民數千人蜂起至八幡城乞免重租蠲加徭地增  
 禁後數群起又詣江戶懇之幕府修比叡山命安藝  
 守淺野宗恒助之○十月十九日詔陰陽頭安倍



造曆

泰邦改曆法十一月成賜名寶曆曆領天下舊曆未  
載天恩母倉月德之值日至是加之○十二月以權  
大納言輔平補左馬寮御監○五年正月右大臣源  
通兄罷二十九日以内大臣尚實代之權大納言藤  
原經胤為內大臣○二月幕府奏削加納對馬守安  
藤信尹封誅其宰以下數人命其子信明繼世明年  
徙之于磐城平信尹君臣極奢濫刑故十九日以攝  
政道香復辟關白○三月以邦忠親王為兵部卿世  
傳遣使安樂壽院修鳥羽帝六百年忌齋○七月  
幕府以朝鮮困窮故賜對馬守宗義蕃金萬兩賑之

忠光  
名大

自茲三年之間歲給一萬金十三日夜津輕雨雪積  
三尺餘○八月二十四日西海大風破廬舍○十一  
月十九日以權大納言藤原公冕為內大臣二十六  
日大婚故准三宮兼香女從三位富子為女御大將  
軍使出羽守松平宗衍等朝賀十萬石以上諸大名  
亦使使奉賀○六年正月長崎災淀城火桑名火城  
延燒過半○二月大坂火○三月江戸屢火○五月  
十日以權大納言輔平為內大臣兼左近衛大將幕  
府奏封大岡忠光于巖槻徙永井直陳于加納右京  
大夫松平輝高為所司代○七月晦近江地震○九

月台新刊 十三月己卯

卷五

二

其見樓藏反



月十六日大水流宇治橋淀大橋界浦大和橋壞平  
等院前十三層大石塔大坂北邊和歌山地皆成巨  
浸前中納言藤原隆英卒內大臣攝等隆賀之子是  
為八條家祖○十一月江戶災初幕府令長崎平戶  
等造糖蜜不得精製而罷數年尾張長門多出糖蜜  
品踰漢製是歲幕府遣吏長門按檢之永富鳳兄弟  
所造鳳盡製法示吏於是幕府令東海山陽造之皆  
出佳品蓋當時所造皆黑糖未傳白糖法至文化中  
始製之云鳳初在山脇尚德塾中與飛鳥翰者相善  
一日語及糖事翰曰吾鄉長崎有長慶者受糖法於

永富  
鳳

清人鳳招之同其兄學焉遂以說名護屋藩造之兄  
亦以說萩藩云鳳字朝陽長門人弱歲入京師受經  
於尚德大奇之嘗一日謂曰漢魏以還彼每科試舉  
用俊傑以故無有望醫業志方術者今世幸有張長  
沙書存周漢遺方而古今未有明是書施其仁者是  
以元元之衆死於養榮益氣之說不可勝計也吾子  
宏才非混蹤於醫卜者然救天札保天命所謂其功  
齊良相矣寧佐予而舉行夫二千年淪方哉鳳感服  
乃竭方術數年妙決死生能治痼疾在塾名聲籍  
甚乞療者日百數人出居大坂明和中歿所著有吐



方考甲乙篇囊語葆光秘錄漫游雜記等○十二月以陰陽頭泰邦為天文博士○七年三月道杏辭闕白十六日以左大臣內前代之任藤氏長者聽內覽賜兵仗牛車○四月東海北陸大水壞東海道路沒尾張民居溺死者多○八月二品三山檢校聖護院忠譽法親王入自大峯禱 聖躬前月王奉 勅往祀大峰及熊野三山至是還尋東下禱大將軍幕府贈之金以助其柴旅東下費蓋比例也三山謂本宮新宮那智○九月幕府楓山生靈芝○十二月二十五日以權中納言藤原實稱為權大約言叙正二位

怪室

○八年三月初藏人權右中辨藤原敬明為法華會使登比叡山館竹林院院中有怪室曰乳兒部屋常閉不許入敬明密令後者啓戶伺之室內空冥寒氣滿焉忽然為之干歸京而死敬明惡之亦發病至是卒年十九自是禁會使館是寺○七月二日皇子英仁生○九月大坂連日雷雹幕府以所司代松平輝高為老中河內守井上利容為所司代○十月八幡式部少輔金森賴錦有罪幕府奏收其封竄之南部老中本多正珍為賴錦姻戚與少老本多忠央勘定奉行大橋親義大目付曲淵照親等連坐之正珍照



賴錦  
虐民

親褫役忠央親義奪邑初賴錦縱酒色行苛虐其民  
轉散田野多荒白山南麓係八幡部內嘗白山祠人  
相爭事亦納曲黨賂悉逐直黨亡業五百人皆凍餒  
直首因白川資顯王愬寃幕府幕府按檢更聞賴錦  
常極奢厚斂乃褫封流其佞臣二人斬白山曲首一  
人○十二月奏徙青山達道于郡上本莊資昌于宮  
津井上正經干濱松是歲權大納言藤原光胤權大  
納言藤原公城左中辨藤原資望太宰權帥藤原公  
積權中納言藤原俊逸從三位藤原經業正三位藤  
原兼久其子右馬頭兼望少納言平時名從四位上

源通維權中納言源通積權中納言藤原公言近衛  
少將藤原隆共左少辨藤原光世右兵衛督藤原永  
秀並有罪詔褫削光胤以下數人官職禁錮之于  
各宅時有竹內式部者出奔不知所之○九年二月  
二十八日以智子內親王叙一品○三月二十一日  
以女御富子准后○四月金澤災城邑大半延燒人  
馬焚死者多○五月十五日以儲君英仁為親王幕  
府貸加賀守菅原重教金五萬兩以助其修城○六  
月一品兵部卿伏見邦忠親王薨○八月西國民皆  
行正元事相慶豐年京畿民亦行之○九月大將軍



奏請拜其次子重好宮内卿兼左近衛權中将賜第于江戸清水後進參議權中納言是為清水家祖○十一月二品墨華院入道聖珊女王薨中御門皇女也二十五日畿内近江雷風關白内前辭左大臣二十六日以右大臣尚實為左大臣内大臣輔平為右大臣尚實世子權大納言道前為内大臣幕府奏建一寺于深川名天王山靈雲院○十二月以平野祠人中臣益親稻荷祠人秦親安叙從三位○十年正月十一日以大將軍為右大臣其世子權大納言家治為右近衛大将補右馬寮御監遣前大納言藤

內藤氏舉世

原光綱前大納言藤原兼胤就江戸拜之江戸大火兩國日本永代江戸等諸橋焚而溺焚死八百餘人大聖寺大垣火○三月大將軍使讚岐守松平頼恭右大将使肥後守松平容清共朝謝進官之恩○四月朔德川右大臣辭征夷大將軍○五月旱幕府以但馬守秋元涼朝為老中白川越中守久松定邦賞磐瀨郡須賀川驛民内藤平多舉他產子祿之州俗古來間有不舉所產子者白川嚴禁之不止平之父嘗歎曰雖習俗由貧困乃自元文中每妊婦與金一兩使舉產子平能繼其志亦每妊婦施金一兩常賑



俊明 繼明

窮乏，至是定邦賞其世善行，歲給穀五十斛。至明和中，遂辟驛代官。平子平次亦繼父祖之志，多恤窮者。云○六月十八日，詔第二皇子貞行，紹伏見殿封。自邦忠親王薨，絕世至是繼之。○七月二日，以權大納言源家治為征夷大將軍，遷內大臣。叙正二位，賜隨身兵仗牛車。右大將馬寮御監如故。遣前大納言光綱前，大納言兼亂就江戶拜之。時年二十四。右大臣輔平內大臣道前，適江戶。○十月，大將軍使掃部頭井伊直幸等朝獻謝恩。稻葉正義歿。義江戶人受業於山崎嘉門人佐藤直方，為唐津文學館林。秋月秋田德嶋龜田佐貫岩村田村松大田喜土浦長嶋新發田諸大名，以為閭齋正派，各就義家執弟子禮。而館林越智武雅尤信，其學舉藩政。任義云：義生涯不服藥物，嘗曰：暑袵寒裘，飢食渴飲，與寡欲以定心氣，皆吾方劑也。歿年七十七。有學話及文集。○十一月，幕府以所司代利容為老中。伊豫守阿部正右為所司代。○十一年三月，松前大風，海船多壞。丹波龜山火。○六月，正二位右大臣前征夷大將軍薨。年五十一。十七日，贈太政大臣正一位，賜諡曰惇信院。○十二月，外宮拜舍災。○十二年二月，奈良災。○四



月越前府中大火焚死二百餘人○閏四月賜中務卿職仁親王妙法院堯恭法親王牛車○五月以輪王寺公啓法親王為天台座主六月賜牛車○七月帝不豫大將軍使伊豫守六角廣孝入候二十一日帝崩年二十二稱桃園院在位十六年改元者二曰寬延寶曆二十七日皇姊繼位是為後櫻町天皇

後櫻町天皇諱智子櫻町帝第二女也母皇太后青綺門院寬延三年為內親王至是踐祚時年二十三以關白內前辟攝政尚實左大臣輔平右大臣道前內大臣並如故○八月仙臺大水害稼五千餘町二十二日葬桃園帝于泉涌寺先是大將軍使橫瀨駿河守入弔大喪於是又使壹岐守長澤資祐詣泉涌寺上香命二條城番及龜山松平信直岸和田岡部長住衛泉涌寺高取植村家道衛般舟院法眼山脇尚德卒尚德字玄飛京師人本清水氏其父東軒為東福門院侍醫法印養壽院山脇玄心子法眼玄修門人尚德未冠東軒没母駒井氏性端正讀經史知大義令尚德敬長兄弟讀書于樓上去梯喫食登廁唯許下而尚德好讀書忘寢食為玄修所



奇愛遂繼之性捷悟小小能屬文自紹養壽院兼講  
經史主張漢魏古註嘗覺唐後醫說可非者多及壯  
宗張機能愈痲疾著醫則臧志濟世餘言奉幕命授  
刺王燾外臺祕要子陶字大鑄亦以醫聞尚德友有  
後藤達字有成踰艮山首倡古方多濟人民亦講經  
學有高名歿于享保中達弟子香川修德字太冲居  
京師其名藉甚足立要正居大坂亦為良醫吉益為  
則字周助安藝人徙家京師自號東洞與尚德達等  
為友專攻古方精修之著類聚方醫事古言醫事惑  
問古方便覽方極藥徵醫斷從學求療日繼于門世

古方祖  
中

施米於窮民

推為古方中祖尋有產醫賀川子玄阿波人居京師  
創方術多收效驗著產論等弟子子啓與師齊名有  
產論翼○九月十二日 帝為 桃園帝冥福施米  
於窮民誓願寺散之幕府奏徙古河松平康福于岡  
崎岡崎水野忠任于唐津唐津土井利里于古河○  
十三年二月十日尊 桃園帝生母姊小路氏曰  
開明門院○八月朔賜攝政内前内舍人二名為隨  
身○九月攝津大風大坂海口船舶多敗右大臣輔  
平辭左近衛大將二十五日以內大臣右近衛大將  
道前轉之賜輔平隨身兵仗二十七日以權大納言



藤原重良兼右近衛大將道前補左馬寮御監○十月以重良補右馬寮御監八日以皇姪貞行為親王十六日以開院美仁有栖川織仁為親王名護屋災○十一月八日遣兵庫頭王賢兼祭主大中臣季忠小舍人齋部親弘奉幣于大廟告嗣位二十七日行即位禮是日有一白鳥集紫宸殿上大將軍使雅樂頭酒井忠恭等朝賀四位五萬石以上諸大名亦各使使奉賀○十二月十九日賜正六位下源儀重爵授正五位下紀宗直從四位下大禮之日儀重首奏鳥至宗直表其瑞兆故賞之也紅毛互市歲出

白鳥集南殿

金也延享已來千兩為限是歲幕府聽紅毛請別給銅七萬斤以換千兩先是出銅也以其取請復頗夥明年減省之八十萬斤為限○明和元年二月朝鮮使趙曦李仁等來朝幕府賀其繼世幕府以周防守松平康福為老中○三月以織仁親王為兵部卿○六月二日改元曰明和幕府奏徙山形松平兼佑于西尾命西尾三浦明次築于美作勝山治焉○十一月二日遣使王賢兼大官司大中臣長堯齋部親弘奉幣于大廟告修大嘗八日大嘗明日大赦天下琉球使讀谷山王子朝恒等來獻幕府朝恒能和歌



如並三日

世傳之。○十二月十五日卯時日傍有如日者。二如  
 三日並出。以青蓮院尊真法親王為天名座主。伊勢  
 山田災。○閏月一品妙法院堯恭法親王薨。年四十  
 八。靈元第十六皇子也。以上鴨祠人賀茂正久叙  
 從三位。○二年幕府奉勅造桃園皇妃准后一  
 條氏宮于烏丸勘解由小路東北。○三月二十六日  
 遣參議藤原公雄等賜幣于日光東照公廟。修百五  
 十年齋。右大臣輔平青蓮院法親王尊真梶井法親  
 王常仁詣焉。○四月乙酉鴨川汎漲。不得祭賀茂廟。  
 明日設浮橋舟遣右近衛少將藤原知通等祭焉。○

毀京師東郭

六月賜織仁親王隨身兵仗。○八月二日大風倒奈  
 良市舍二百戶許。美濃大水。民多溺死。○九月幕府  
 奏始鑄方銀文。曰文字銀五匁。四縁作波圖。又錢省  
 文。又鑄新鐵錢。文曰寬永通寶。是歲填大坂之江戸  
 堀。堀江富嶋諸渠起市街。○三年正月二十八日津  
 輕郡青森地大震。且大火大雪。人畜多死。○二月江  
 戸火。○三月以大將軍嗣子家基為權大納言。叙從  
 二位。越前府中長崎水戸災。初幕府毀京師東郭北  
 自大內之東南。至二條。其後毀二條以南六條坊  
 門以北。至是又毀坊門以南六條以北。文祿之役豐



臣秀吉在那古耶也獲朝鮮都圖善其竹堡摸築之于我京師命前田玄以細川藤孝掌其事周迴七里象紫微垣內曰洛中昇平日久市街東郊益起故元祿後毀其東面更以鴨川為疆云大將軍以世子拜官之慶赦罪五百餘人賴錦之敗其子出雲亦被竄至是見釋○四月江戸火○五月十四日英仁親王始讀書正三位明經博士清原宣條侍讀帝賞其高識明日陞之從二位○六月十八日宇都宮山上水涌出漂壞市舍溺死三百六七十人○七月十二日大坂雨雹寒如盛冬是月不雨淡路大旱西南諸

道自六月不雨至于八月○十二月播磨大風溺船稍三百餘人○四年二月幕府鑄新鍊錢于伏見明石火○四月江戸火廣鳴火○五月先是填整大坂之曾根崎京町堀海部堀立賣堀阿波座堀蜷川本町曲東橫堀諸渠起市街至是而畢○七月大將軍命主殿頭田沼意次築于遠江相良治焉意次父曰意行故和歌山小吏也有德公繼幕府也從而入為近侍任主殿頭卒意次襲父官役有寵於惇信公大將軍頻加邑寶曆五年列大名至是特賜以城云十二日尾張參河間之山頭水涌出多溺人畜宮嶋海



起水塚

二驛為之所破○八月小幡美濃守織田信邦坐事  
 徙于高島○九月准后徙居烏丸新宮○十一月朔  
 旦日南至百官表賀十五日大赦天下足立郡故豪  
 農新井權者嘗起長埤于其宅中埤上設居屋及廐  
 名水塚每水災招集鄉里及草加驛等人舍焉與食  
 救之其子孫助善繼權志常厚恤貧窮去歲秋東國  
 大水也孫助出舟集人遂施麥於眾者二百餘日十  
 二月幕府賜之白金聽帶二刀是歲奏徙松平朝矩  
 于川越秋元涼朝于山形○五年二月十九日立皇  
 姪英仁親王為皇太子右大臣輔平傳之大將軍

使下總守松平忠刺等朝賀○三月大坂火○四月  
 幕府始鑄黃銅大錢文曰寬永通寶背面作波圖以  
 一當四○五月二十五日以攝政內前為太政大臣  
 ○六月十六日江戸大雷幕府竹橋門震燒○七月  
 權大納言兼右近衛大將二條藤原重良薨弟治孝  
 嗣岐阜大火焚死二百餘人淀大水破大橋○八月  
 九日皇太子元服太政大臣內前加冠○十月十  
 六日遣權中納言藤原隆望等于多武峰修大織冠  
 公千百年齋○十一月十三日遣使奉幣于七廟  
 ○十二月二品式部卿京極家仁親王薨子公仁親

月... 二月... 卷五... 見...



王嗣江戶火○六年正月內大臣道前辭左近衛大將九日以權大納言藤原輝良代之○三月水戶參議源治保請幕府以其部內久慈郡所出鐵鑄錢七十萬貫文曰寬永通寶背文曰久○五月三日至五日京師及諸國雨黑白毛長者七八寸短者二寸許○七月慧星見東方踰月乃不見時謂朱星○八月二日贈故左大臣藤原吉忠准三宮權大納言右近衛大將藤原長熙罷十九日以權大納言源前豐兼右近衛大將尋任右馬寮御監二十六日東國大風深川三十三間堂倒天下疫多死者○九月二日京

真淵

畿大雨雹四日雨毛以前左大臣一條藤原道香准三宮明日薨年四十八子輝良嗣七日至九日京師及大津雨白毛○十月一品中務卿有栖川職仁親王薨年五十七子織仁親王嗣明年冬任中務卿賀茂真淵歿淵賀茂廟祝某裔遠江人師荷田春滿長國學最善萬葉古風名聞遠邇著新學古今打聽萬葉考歿年七十三弟子揖取魚彥荒木田久老加藤萬伎等並精詞學○十一月以伊勢大官司大中臣長堯補神祇少副幕府奏以侍從大炊頭土井利里為所司代是歲徙岡崎松平康福于濱田濱田本多



忠肅于岡崎佐渡守板倉勝清為老中○七年三月  
 大將軍奉勅修櫻町宮命和泉守藤堂高悠大膳  
 大夫南部利雄肥前守松浦誠信鍋嶋伊三郎直愈  
 助役尋高悠卒丹後守松平直泰大和守伊東祐福  
 代之小田原大久保忠由賞其部内交野郡打上村  
 孝子嘉七與之錢給母食米爾後歲給米嘉父嘗失  
 明兄亦多病嘉乃事村農送辛米供二親天風雷則  
 雖深夜趨歸省焉歲月歸寧則負父詣佛寺等父沒  
 兄愈母命繼他家辭曰兄繼人兄復卧無致養者無  
 幾兄復病益窮孩子亦多嘉故請其主每早采薪給

嘉七  
孝友

政武  
決獄  
如神

兄家月夜耕兄田以養母兄云○五月朝鮮舟十四  
 人漂泊東海興津○六月有星孛北方又有氣見東  
 北狀如虹而直時謂旗雲又蚩尤旆京師町奉行土  
 佐守石河政武任滿還江戶政武聰敏博覽衆書決  
 獄如神初就任有累尹不能折三十訟政武曰顧私  
 舍焉不忠於上不怨於下也吾苟奉行何恐由決獲  
 罪哉一日而盡決斷之無怨者嘗悉改京師戶券印  
 廳章止偽者密誨奈良奉行傳石刑及還開東寺南  
 門一扇曰吾復上京師閉之人至今得過焉都民惜  
 其罷相率送至石部皆隕涕云先是甲斐守曲淵景

其見妻或反



赤氣

漸為大坂町奉行多顯政績與武齊名賜上總太守  
 京極公仁親王牛車薨秋田災○閏月九條藤原道  
 前辭內大臣隨身兵仗薨年二十五前月十三日有  
 星貫月是月十二日又貫○七月名護屋熊本富山  
 災二十八日申時赤氣見北方及夜光輝天下徐徐  
 東進而滅時京師訛言小濱硝倉災○八月四日以  
 權大納言藤原季晴為內大臣賜隨身兵仗江戶火  
 自五月天下不雨至于是月井泉皆涸○九月仙  
 洞宮成蓮華光院側有一老稱主稅自踰八九十翁  
 享年已百六七十歲也人問其齡笑而不答以是歲

終○十月藤原內前辭太政大臣○十一月二十四  
 日帝讓位於皇太子在位八年改元者一曰明  
 和文化十年閏月崩年七十四帝性敏慧能和歌  
 皇太子立是為後桃園天皇

十三朝紀聞卷之五 終



